

I. N. D.
 DISSERTATIO MEDICA
 INAUGURALIS,
 DE
 CONGRVA PUR-
 GANTIVM QVORVN-
 DAM AD MORBOS
 APPLICATIONE,
 QUAM
 SOLO DEO PRÆSIDE
 EX DECRETO ET AUCTORITATE
 INCLTY IMEDICORUM ORDINIS
 IN ALMA ARGENTORATIENSIVM
 UNIVERSITATE
 PRO LICENTIA,
 SUMMOS IN MEDICINA HONORES
 AC
 PRIVILEGIA DOCTORALIA
 RITE CONSEQUENDI
 SOLENNI PHILIATRORUM EXAMINI
 SUBMITTIT
 JACOBUS PRAUN,
 CAMPIDONA-SUEVUS.
 Ad diem I. Mensis August. MDCCXXXVII.

ARGENTORATI,
 Imprimebat SIMON KÜRSNER, Cancell. Typogr.

Digitized by the Internet Archive
in 2019 with funding from
Wellcome Library

<https://archive.org/details/b30779881>

LIBERÆ S. R. I. REIPUBLICÆ
CAMPIDONENSIS
MAGISTRATUI

VIRIS

GENEROSIS, MAGNIFICIS NOBILISSIMIS, CONSULTISSIMIS, AMPLISSIMIS, EXCELLENTISSIMIS, DOCTISSIMIS,

ATQUE

PRVDENTISSIMIS.

DOMINIS

CONSVLIBVS

PRÆTORI

A SECRETIORIBVS

SYNDICIS

COETERISQUE SENATORII ORDINIS

MEMBRIS

DOMINIS ATQUE PATRONIS

HONORIS & OBSERVANTIÆ

CULTU VENERANDIS

Hanc Dissertationem Inauguralem

humillime offert

AUCTOR



PRÆFATIO.

Purgatio Corporis Humani, Græcis Κάθαρσις dicta, indicatur, quando id vitioso, hujus vel illius generis humore gravatur; aut enim pathemata animi, succos stomachi turbando, crasin illorum invertunt, & subsequituræ vitiosæ digestionis ansam præbent, ex quâ successivè cruditates generantur, facilius medicamento cathartico everrendæ, quam quibusvis aliis alterantibus corrigendæ: aut errores in victu commissi, vel sua mole vel qualitate vitiosa, munus digestionis lædunt, cui medendo Natura non rarò vomitus & diarrhæas aut sal-

A

tem

tem molimina ad istas evacuationes excitat. Medicumque agendorum admonet; Conatus enim hi ut plurimum sunt justo languidiores, unde Hippocrates suo jam tempore docuit, quo natura vergit, eo ducenda; hujusmodi enim motus nature vel sunt critici, vel saltem per sua molimina Medico rationali indicant id, quod facere debet. Practici hinc summe necessaria sunt duo hac requisita:

Primo. Pollere judicio & sermonem naturæ intelligere, eique adequatis respondere adminiculis, hac enim molimina humorum, turgescencia & evacuatoria sunt natura sermo.

Secundo. Vim medicamentorum & quidem, de quibus hic nobis agere constituimus purgantium, perspectam habere; non enim omnia uno eodemque modo operantur, nec quod huic individuo, aut morbo convenit, alii semper conducit.

Ratio igitur est habenda Medico tam morborum eorumque causarum & motuum, cum regularium tum irregularium, quam temperamentorum, vitæ generis & medicamentorum à se in vicem qualitate & operandi modo

modo differentium, ut, ceu prudens Natura minister suum cuique tribuat, hoc opus, hic labor est. Susque deque habent agyræ & carnifices hanc cautelam, nec ubi, nec quando, nec quomodo sit evacuandum, considerantes, medicinam habent in promptu, omnibus agris etiam non visis, neque morbo rite examinato unam eandemque propinantes, confuse temerariè, & ut plurimum cum damno agris consulunt. Purgantium late dictorum varietas hætenus in tantum excrevit numerum, ut tironi nisi manuducatur à Practico longa annorum serie exercitato, sit admodum difficile judicare quodnam eorundem hoc vel illo in casu aut morbo sit eligendum. Intertot simplicia & composita ea saltem hic producemus, quæ sunt maximè usualia, & præ aliis tuta. Esset quidem hac occasione etiam differendum, de singulorum loco natali de partibus eadem constituentibus &c. Cum verò hæc à Celeberrimis Viris MICH. BERNH. VALENTINI in Hist. Simpl. Reform. PAUL. HERMANNO Cynosura Mat. Med. & GEORG. WOLFFGANG. WEDELIO Amœnit. Mat. Med. prolixius sint examinata & excussa, in id unice incumbemus, ut de

eorundem congrua ad morbos applicatione loquamur, quantum nempe ex Paternâ experientia hætenus nobis colligere licuit. Omnipotens Deus, Creator & Conservator Universi! qui creaturis Tuis impressisti tam varia & innumerabilia Sigilla Bonitatis tuæ infinita, eorumque usus salutare contra generis humani infirmitates ad notitiam nostram pervenire voluisti. Tu es, qui creasti Medicum, largire mihi Sapientiam, ut dona Gazophylacii Tui amplissimi, quod clementissime condidisti, condigne discam dispensare, & custodi intellectum meum, ut, si non omnes possum juvare, neminem tamen ledam, suumque cuique tribuam. Benedic studiis meis, ut cedant in Nominis Tui Gloriam, & Proximi languentis Salutem.



CAPUT I.

De Emeticis.

§. I.



Nter Emetica sunt maxime usualia Tartarus Emeticus, Sulphur Antimonii auratum, Vitriolum album, Radix Ipecacuanha vel Hypecacoanna & Mercurius vitæ. Loquor de iis, quæ nostra in patria frequenti in usu sunt, haud ignorans, sirupum emeticum Ang. Salæ & Oxysacharum emeticum Ludovici alibi sæpius præscribi solere.

§. II.

Tartarus Emeticus è croci metallorum & crystallorum tartari part. æqual., juxta modum parandi Gallicanum Cryst. tartari p. ii & Croc. metall. p. i. coctione cum aqua productus, est infidus planè & violentus, operatur virtute partium Mercurialium seu Arsenicalium Antimonii à CrySTALLIS tartari absorptarum, Dosis ejus priore methodo præparati à gr. j. ij. ad iij. est planè inconstantis & incerti effectus, grano j. ejus puer. X. annorum purgatur; est interdum quoque sufficiens homini XXX. annorum, imo & grani dimidium puero X. annorum sæpe sufficit. Robur fibrarum stomachi non omnibus est idem, licet ejusdem fuerint ætatis, & multum differt vitæ genus, inde tam frequentes hypercathar-

ses. Tutius est eligere talia emetica quæ non adeo sunt concentrata, & quæ partes emeticas habent dispersas majorique paulò dosi possunt præscribi, ut errores in dosibus minus frequenter occurrant. Eo tamen non omnino possumus carere, pueris enim, qui remedia sæpè quælibet assumere recusant, in aqua ad gr. sem. vel j. dissolutus, adhibita fraude & non advertentibus illis potest, si vomitorium requiritur, ingeri.

Quod spectat ad modum operandi tartarus Emeticus ut & reliqua Mercurialia, atque antimoniatæ, agunt vi Salinarum & Arsenicalium particularum, partim irritando membranas nerveas & musculosas, glandulas item ventriculi & intestinorum, partim humores serosos sanguini intermixtos fundendo. Rationem prioris videmus in iis, qui arsenicum hauserunt, quo membranæ ventriculi erodi nunquam non solent & inflammari, ut ipse ante paucos annos vidi in Patria in Cive intoxicato; posterioris vero ætiologiam nos docet salivatio Mercurialis.

§. III.

In adultis tartaro emetico consultius substituatur sulphur auratum antimonii, purgans *ἀνω καὶ κάτω*: non quidem negamus, quod & hoc Sulphur, id quod evacuando præstat vi particularum arsenicalium sulphureis intermixtarum efficiat, sed quia dosis ejus paulo diffu-

diffusior est, & partes arsenicales sulphureis interspersæ, ab his quodammodo ligatæ, non adeo facile potest errari in dosi & excitari hypercatharsis. Præcipue si seligatur sulphur maximè leve, molle, aurantium colore præditum, quod ruffo illo, gravi, duro, est mitius longè, quia minus in se continet arsenici.

Convenit in qualibet ventriculi oppletione cum conatu vomendi, inappetentia, apoplexiâ ex stomacho per consensum inductâ, pellit lumbricos dosi à gr. IV. VII. ad X. pro ratione præparationis. Potest etiam sulphur antimonii sublimatione cum sale ammoniaco ad tantam evehi subtilitatem & volatilitatem, ut solâ irradiatione ἄνω καὶ κάτω potenter purget, si ejus gr. β. vel etiam minus, post elutriationem salis ammoniaci iteratam, apice linguæ degustatur, etiamsi sine morâ os aqua copiosâ eluatur, adeo ut ejus plane nihil ad stomachum queat descendere, prout *Vener. PARENS* in se ipso quondam est expertus. Ex quo aliquam ideam nobis possumus formare, quomodo actiones tam mirandas Lapis Butleri, de quo *HELMONTIUS* in *tractatu Butler* videndus, exserat. Si enim pars concreti virulenta ad tantam subtilitatem potest evehi, cur non & doses ejus balsamicæ remotâ, vel correctâ prius virulentia, sub qua latent, ad tantam volatilitatem, ut medicina evadant spiritus salutaris, possunt exaltari.

Operationem hanc irradiativam clarius explicare nequimus, quam verbis Illustris quondam *WEDELI* qui
modum

modum operationis vitrioli albi adeo expeditæ exponens, *imprimendo inquit Archeo seu spiritibus nauseabundum characterem.* Id quod etiam toto die confirmant mulierum morbi hysterici, quæ solo odore suavius læduntur, rerum vero foetidarum reficiuntur, quæ solis effluviis è corpore exhalantibus vim suam exerunt, ut taceam antipathias. Character hic perniciosus florum antimonii deflagratione cum nitro castratur, adeo ut iis omnis vis cathartica subtrahatur. Ipsi hi flores commixti à gr. XV. ad XVIII. cum debita quantitate resin. scammonii, constituunt remedium illud decantatum ab HELMONTIO *Diaceltatesion* dictum, quod febres intermittentes præcipuè quartanam, secundâ vel tertia tollit dosi, absque metu recidivæ. A dicto sulphure aurato antimonii non multum differt in Gallia adeo decantatus *Pulvis Carthusianorum* seu *Alkermes minerale*, magis mitigatum, quod præter vim emeticam & purgantem leniorem aliis porro virtutibus medicis gaudet.

§. IV.

Vitriolum album purificatum, vomitivum, alias Gilla Theophrasti, juxta Valentini historiam simplicium, ex vitriolo Goslariensi calcinato, solvendo cum aqua & filtrando, depromptum, eadem præstat, citiusque operatur afficiendo immediatè ventriculum, ejusque villos membranaceos, eliquando glandulas, imprimendo Archeo nauseabundum characterem, juxta supra laudatum *Vvedelium*.

Ideo:

Ideoque assumptum non raro citius justò rejicitur, nisi sine mora plura cochlearia jussuli carnis superbibantur. Emeticum est securissimum, nullas excitans hypercatharces, licet in dosi dimetiendâ adeo scrupulosi non simus, quæ pro adultis est à ℥j. ad iij. iv. apud nos datur in aqua simpl. cum Syr. violarum. Per alvum æque quam per vomitum operatur, idque blandius quam cætera emetica; convenit hinc educendis cruditatibus stomachi quibusvis, viscidis & biliosis, in mania, apoplexiis & vertiginibus à stomacho oriundis, tollit infarctus hypochondriorum, & enecat progeniem verminosam. Si quem habent locum emetica in iis, qui hauserunt arsenicum, vel alia venena vitriolum album propter citissimam operationem forte reliqua omnia antecellit, sed mox in principio dandum.

§. V.

Radix Ipecacuanha vel *Hypecacoanna* gaudens sale purgante cum terra styptica, est emeticum mitissimum, [a ℥j. ad ℥ij. vel ultra exhibitum, apprime conducit, quando opus est, & indicatur à saburra vitiosorum humorum in stomacho hærente, datur mulieribus diuturna inde uteri hæmorrhagiâ laborantibus, quam non raro unicâ compescit dosi. Dicimus in fluore diu continuante, nam in principio non consultum est eam sistere, ne impetus sanguinis sursum ad pectus seu caput ruat, & graviora producat

B

mala

mala. Magni quoque usus est in dysenteriis, diarrhoeis & febribus continuis biliosis, quæ ut plurimum in longum protrahuntur, & emesin bis vel ter iteratam poscunt. In hoc casu radix ista omnibus aliis emeticis est præferenda, quia non, vel rarius ad alvum ducit, atque humiditates serosas, corpori fere exsiccatæ summopere necessarias, conservat. Præterea hystericae, si quæ egent purgatione hanc radicem facilius ferunt, quam cætera vomitoria.

§. VI.

Mercurius vite seu *Pulvis Algaroth* est remedii genus fere obsoletum, nec facile à Medicis hodie præscribitur, usum tamen quendam habet in subjectis robustioribus & hydropicis, ubi nempe viscera adhuc sunt salva, non quidem pro scopo ciendi vomitum, siquidem ejusmodi intentio esset contra regulas artis, sed quia habet singularem facultatem resolvendi & fundendi lympham viscosam tenacem. Est progenies antimonii, cujus partes regulinæ ope mercurii sublimati in liquamen butyrosam abeunt. Operatur hinc sicuti tartarus emeticus & reliqua antimoniata, utut longe violentius. Præterea medicamentum hoc drasticum hydropicos rarò plus quam semel ad vomendum solet movere, licet ejus dosis ad gr. V. usque augeatur, sed maxime per alvum transit. Infringunt ejus vim emeticam aut salia, quibus scatet latex hydropicorum, lixiviosa, aut moles aquarum viscosarum.

Exhi-

Exhibetur commodissime bihorio post tenuem coenam sub introitu in lectum, cum fermento panis in pilulas redactum. Rusticis monticolis, propter copiosum casei & fabarum majorum esum, duro præditis stomacho, quos remedia ordinaria rarò movent, etiamsi non fuerint hydropici, pro scopo purgandi proprie convenit. Sic & hic *suum cuique* tribuitur, duro nodo durus cuneus.

§. VII.

Vomiturientes operationem facilius expediunt in lecto, abdomini incumbentes, quam situ erecto: quod si forte cuipiam emesis justò largior subsequatur, ea sopienda venit haustu lactis calidi cum tantillo sacchari bis vel ter repetito. Emesis supponit integritatem viscerum, ætatem non modo mediam & juvenilem, sed & infantilem; infantes quippe plerumque evemeti sunt, staturam corporis mediocrem, proceri enim, præsertim pectus angustum habentes difficulter moventur.

Gravidis nisi forte tribus primis mensibus, est periculola, nec nisi per hypecacuanham procuranda. *Senibus & infantibus* tenerrimis est parcendum, & saltem illis, qui aliquot annos habent, si requiritur, vomitus movendus; sunt & nephriticis dubii eventus emetica, protrudendo interdum lapillos, sæpe exitu grandiores, à renibus ad vesicam.

Hypochondriacis, atque Hemorrhoidariis propter

vomitum sanguineum subinde consequentem, manifestò nocent, & quia evacuationes hæmorrhoidales, sanguinem sursum trahendo, supprimunt.

Herniosis non nisi in summa necessitate, cum magna circumspectione propinanda. *Hystericæ* ea non adeo ferunt, quam laxantia, præcipue tartarum emeticum. Iisdem quoque læduntur *hemoptyci*, *gibbosi*, *phthysici*, nisi in principio phthiseos.

CAPUT II.

De Laxantibus.

§. I.

AD evitandas, quas emetica solent excitare anxietates, cum ægro, tum sæpe quoque Medico, satius & tutius est purgare corpora impura catharticis blandioribus, quæ inter eminent Manna, Folia Sennæ, Rhabarbarum, Magnesia alba, Sal anglicum, Jalappa, aloëticum gummosum, & quæ vegetius operantur, Colocynthis, Magist. Jalappinum, Scammonii, Mercurius dulcis, Extr. Elleb. n., Troch. alhand. &c.

Ex his varix concinnari possunt compositiones pro morborum & individuorum exigentia, atque Medentis dijudicatione; habent enim se instar chartarum lusoriarum, quæ sibi invicem diversis modis miscen-

miscentur, & pro varia miscela, vel temperant, vel acuant.

§. II.

Manna Calabrina propter substantiam gummosam, sale volatili blande cathartico gravidam convenit vel solitaria, dosi ℥i℥. ad ℥ij. in aqua soluta, addita Olei amygd. d. ℥℥. & cryst. tartari ℥℥. vel ℥j. exhibita, vel in decocto fol. Senn. & Rhab. soluta. ad. ℥j. vel ℥i℥. in morbis pectoris sine febre, in affectibus renum, in obstructione alvi, in colica admodum proficua est, antequam dolor & spasmus vel præcipitantibus & demulcentibus, vel etiam opiatīs sedetur. Infantibus tenellis à ℥j. ij. ad. jv. in lacte soluta optime conducit.

Jungitur quoque pro adultis commodissime ejus
℥℥. Salis angl. ℥j.

Rhabarb. ver. ℥j. aut ℥i℥.

Fol. Sen. S. S. ℥ij.

Fl. chamom. ꝑj.

Flaved. cort. citri.

Nitr. ppti. āā ℥j.

Sem. anis. ℥℥. Conc. M.

coq. cum. ▽ ℥iiij. vel ℥v. colat.

add. Mann. Cal. ab ℥j. ad ℥i℥. denuo coletur, S. pro una dosi.

alvum blande solvit, lenit crispaturas spasmodicas hypochondriorum, ē pulmonibus educit viscositates

B 3

stagnant.

stagnantes. Mulieres verò hystericæ eam, propter dulcedinem, non facile ferunt.

§. III.

Folia Sennæ Alexandrinæ ex hydragogorum familia vegetius paulo purgant Mannâ, adhibentur potius in infuso vel decocto, quam in forma pulveris, infunduntur vel coquuntur cum aqua additis cum pro correctione, tum pro stimulo Rhabarb. Tamarindis, Mannâ, Fl. chamom. Arcano duplicato.

In forma pulveris rarò dantur, nisi intermixtâ pulveribus aromaticis, sem. 4. cal. maj. Salibus item mediis & saccharo ad modum trageæ. Usus eorum supra laudatus WEDELIUS pro more paucis describit in *Amœnitat. Mat. Med. L. II. S. I. cap. 6.* his verbis:

Purgant universaliter, leniter, & tarde quidem, sed efficaciter, omnigenos humores. Et paulo post: *Prodest Senna universali usu in morbis quibusvis, posita indicatione laxandi.* In usu proin est in affectibus hydropicis cum rad. aperientibus, hellebor. n. rhabarb. turpeth. vegetab. gumm. salibus diureticis &c. Nul- lum infusum vel decoctum laxans illa facile caret, adeò est ejus usus universalis.

Pluribus est in usu ad solvendam alvum siccio- rem, infundendo ejus ʒj. cum thea & anisi stellati tan- tillo, per horam unam. Mulieres, etiam puerperæ, eandem ad hunc scopum decoquunt cum prunis.

Celeberrimi quondam D. D. BILGERI p. m. *Physici olim*

olim Campidonensis Meritissimi Brodium laxativum,
seu Syrupus ex Senna, cum turpetho albo gumm. &c.
paratus addita manna, est remedium præsentaneum in
asthmate flatulento suffocativo, irritis omnibus car-
minativis, dosi scilicet sufficienti datus.

§. IV.

Rhabarbarum verum, est medicina naturæ valde
amica, cholagoga, amaritie sua stomacho & toti in-
testinorum canali gratissima, cruditates ventriculi quas-
vis blande everrit, cum subsequente adstrictione alvi,
hinc in morbis ex atonia fibrarum, à potu frigido
inducta, in diarrhœa, dysenteria, usus ejus solennis
est. Confortat etiam renes, & in forma tincturæ cum
sale tartari & spiritu vini non rectif. apud nos paratæ sa-
nat mictum cruentum. In forma infusi, juxta Har-
risium in Ep. 4. ad Baglivum cum vino malvatico,
tollit diabetem. Datur in substantia à ʒß. ad jß. cum
nitro ppto aut arcan. dupl. M. ʒj. Commode com-
miscetur ad ʒß. vel ʒij. cum Salis anglici ʒij. præcipue
in hystericis; aut cum rad. Jalapp. stomacho robustio-
re existente, hac proportionem, ut sumatur rhabarbar.
ʒß. vel ʒij. Jalapp. à ʒj. ad ʒß. cum nitri ʒj. In diu-
turno appetitus defectu & dyscrasia fermenti stomachi

℞. Rhab. ver. ʒij.

Sal. tartar. ʒß. vel ʒij. M.

c. Aqu. fl. acac. ʒviiij. dosi mane & vesp. cochl. iv.

quod remedii genus per epigrasin purgat, robo-
rat.

ratque ventriculum, ast non omnes æque ferunt rhabarb. doses repetitas, nonnullis enim excitant tenesimum ani, quo facto dosis diminuenda, aut semel saltem in die exhibendum est.

Felicius operatur Rhabarbarum dosi mediocri, sc. à ʒß. ad ʒij. datum quam in majori ad ʒj. aut ultra, prævalente hic vi adstrictoriâ.

Syrupus rhabarb. cum passulis minoribus juxta CHRIST. DEMOCRITI præscriptum *lib. de vit. animal. morbo & medicina* paratus excellit in curando ictero aliisque hepatis affectibus, sæpius per diem ad cochl. i. exhibitus, alvum semel vel bis per diem movendo, viscus hepatis liberat ab infarctu, hæmorrhagias quas vis compescit, & ut cum laudato WEDELIO finiamus L. II. S. I. c. 6.

Vacuat irritando, roborat adstringendo, tonicum est laudatissimum, minori dosi vero alterat &c. Si nempe usus ejus ad tempus aliquod protrahitur, quia sub amaritie terrenâ & viscedine lenta condit acrimoniam Salino Sulphuream.

Hinc HAMILTON in *Regul. Praxeos* p. 25. radicem rhabarbari in parva dosi, at diu continuatam ad sananda renum ulcera commendat.

V.

Magnesia alba, terra illa ex residuo post crystallationem nitri, lixivio, quod nitrarii vocant Matricem, Germ. Mutter-Lauge, diuturnâ cocturâ superstes,

tes, optimè elutriata, candida, insipida, acidum in stomacho exuberans, & Salia peregrina famelice absorbet, regeneratur inde novum vitriolum in primis viis, easque detergendo purgat, & quidem nonnunquam, ubi scilicet acidi multum invenit, cum non levi intestini recti ardore. Quod ita se res cum dictâ metamorphosi habeat, probatur simplici affusione acidi cujusdam liquoris, præcipue vero spiritus nitri in vase vitreo, magnesiæ albæ pulverisatæ, reponendo per noctem in loco frigido, sequente manè apparebit verum nitrum, longioribus crystallis suis se legitimans. Convenit hinc proprie illis, quorum stomachus acido abundat, quod cognoscitur ex eructationibus acidis, ardore ventriculi, stipticitate alvi. Datur ad ℥ij. cum ℥j. arcani duplicati, vel tartar. vitriol. amat connubium mannæ ad ℥iv. vel. vi. item vis ejus egregie adjuvatur addito pulv. rad. Jalappæ à ℥j. ad ℥ij. sic evadit purgans efficax, blandum, omnibus acceptum. In vomitibus ab acido oriundis & colica ejusdem prosapiæ egregie operatur, si ejus ℥vi. cum arcani duplicati ℥iv. cum aqua quadam destillata commisceantur, & singulis sex horis pars ejus quarta hauriatur, per epicrasin laxando, vomitus compescit, & alvi obstructions pertinaces solvit, modo prius in Colica crispaturæ fibrarum spasmodicæ & dolor per clysmata demulcentia fuerint sublata. Herniosi in alvi obstructione hac potione quoque cum *εὐπορία* utuntur. Bilem etiam evacuat absorbendo, si non fuerit viscida. Estque medicina gravidarum,

C

puer-

puerperarum & infantum. In alvi contumaci constipatione, in qua sæpe vegetiora laxantia incassum adhibentur, hæc potio ut plurimum compotes reddit voti ægrum & Medicum. Ubi fortiora non penetrant, non est ad drastica ascendendum, sed descendendum ad leniora & humectantia. Qui carent acido in primis viis, aut quibus eadem sunt onerata viscositatibus, medicina hac nullo modo moventur, non enim agit in viscidum, nec operatur hæc terra purgando, nisi prius per acidum in stomacho occurrens in nitrum fuerit regenerata.

§. VI.

Sicuti Magnesia alba apta nata est absorbendi acidum, Salia peregrina, bilem, ita requirunt cruditates viscidæ, caseosæ in ventriculo latitantes & suo pondere cardialgias parientes, remedium magis activum Salinum, quod incidendo, attenuando eas resolvat, id quod præstat *Sal anglicum* ad ℥j. vel ʒvi. in s. q. aquæ dissolutum & Syr. rub. id. edulcoratum, sed oportet, ut sine morâ superbibatur, aut jusculum carnis, aut infusum theiforme, alias hoc neglecto facile per vomitum rejicitur. Est instar acidularum in forma concentrata sicca, num ex aquis Epsomensibus in Anglia, aut aliis Salinis evaporatione proveniat, an sit artificiale, nondum certo constat; vile tamen pretium, quo venditur, priori conjecturæ favere videtur. Operatur blande absque torminibus, pro stomacho robu-

robustiore acuitur addita mannæ ℥β. vel ℥j. Syr. laxa-
tivi, debilioribus dantur ejus ℥ij. cum rhab. ℥β. vel
℥ij. Opitulatur obstructionibus viscerum recentibus,
& hydropi nascenti per intervalla repetitum. Tem-
perando corrigit bilem, & acidum, eaque cum visci-
do educit; In febribus intermittentibus, ictero, de-
fectu appetitus, ubique fere & omnibus conducit, si
excipiantur dysenterici & puerperæ. Hæmorrhoida-
rii etiam durante fluxu id præ cæteris omnibus tutis-
sime sumunt, si nempe purgante opus habent, & gra-
vidæ eodem commodissime laxantur.

Est nobile Sal, mediorum imitans indolem, at
hisce longe tenerius molliusque, antecellit hoc chara-
ctere Salia reliqua naturalia, Sedlicense scilicet &
Egranum.

Observant Medici fere in omnibus reliquis ca-
tharticis, excepta magnesia alba, virulenti quid, na-
turæ contrarium ratione cujus illa operantur, hinc in
determinanda eorum dosi magna opus habent circum-
spectione, ut cuique suum in pondere tribuant, ne-
minemque lædant, à qua sollicitudine ipsos liberat di-
vinum hoc remedii genus, adultis omnibus adæquata
est ejus dosi ℥vi. vel ℥j. neminem lædit, fere omni-
bus prodest, sive acido, sive bile, sive viscido ægro-
tent.

§. VII.

Jalappa seu Mechoacanna nigra, radix Ameri-
cana, hucusque magna fuit Practicis in laude, purgat
C 2 enim

enim si debita observatur dos omnes humores, acidos, biliosos, viscidos præprimis serosos benigne & largius, quam ab antecedentibus est sperandum, idque ob texturam resinosa, licet assumpta sit admodum nauseosa, & nonnunquam excitet tormina ventris, quæ tamen præcaventur additione magnesiæ albæ. Principia, è quibus consistit sunt terra, resina & Sal. Resina separatur à terra & sale solutione per spiritum vini rectificatissimum & cum aqua præcipitatione; utraque substantia, nempe radix in concreto, & resina separata venit in usum. Radix hæc est revera catholicum & panchymagogum purgans, apprime & magis convenit purgando ventriculo, quam resina, seu magisterium ejus cum pineis vel amygdalis contritum, ex eo, quod resina vinculis suis terrestribus implicata moras longiores in ventriculo ducat, majorem hinc ei nauseam imprimat, eoque ipso ejus contenta vegetius sapore suo nauseoso excutiat, quam resina sola & sibi relicta, quippe quæ ut & illa, quæ ex scammono extrahitur, & extracta reliqua vegetabilia seu facilius solubilia, pomœria ventriculi citius justo transeunt, & magis purgant fundendo ac colliquando humores serosos Massæ sanguineæ, licet resinis non plane omnem actionem in solida denegemus.

Paucis, radix proprie dicta evacuandis cruditatibus stomachi inservit, resina verò tam jalappæ quam scammonii, cum cæteris extractis catharticis, magis convenit in eliminanda pituita hydropicorum, & serosa.

ferositate in aliis etiam locis stagnante. Radix datur adultis à ʒß. ad ʒij. robustioribus ad ʒj. & ultra, cum ʒi. arcan. dupl. M. vel nitri vel crem. tartari. Resina in hydropisi à ʒß. ad gr. xv. vel xx. in spiritu vini rectificatissimo soluta & cum Syr. violarum edulcorata; sed huic non est superbibenda thea aut jusculum antebihorium, ne ab aquosis in stomacho præcipitetur & tormina excitet; vel in forma pilularum cum extracto helleb. n. aloët. gummos. Mercurio dulci aut trochiscis alhandal. ubi minor ejus sufficit dosi scil. gr. v. Radix in substantia sumpta temperatur mire addita Magnesia alba, commode etiam ejus ʒj. adjungitur Rhabarb. à ʒß. ad ʒij. cum arcano duplicato. Senibus vertigine, & alvi siccitate laborantibus conducit Magist. Jalapp. extr. elleb. n. aloët. gum. cum Mercurio dulci in forma pilul. semel vel bis in septimana datum. Harum pilularum gr. iv. vel vi. bihorio ante coenam sumantur; vel pro ditioribus:

℞. Resin. Jalapp.

Extr. aloët. gum.

rhab. veri. āā. ʒß. gr. vi.

Elleb. n. ʒj.

Succini Spiritu Sal. ammoniaci vinoso parati.

Cent. min. āā. ʒß.

Croci.

chammom. āā. ʒß.

F. c. Ess. succin. s. pil. pond. gr. i. dosi n°. 3. vel 4. bis in septimana paulo ante coenam. Varia insuper medicamenta purgantia è resina Jalappæ parata in officinis

prostant, e. gr. specificum Jalappinum, Tinctura Jalappæ, Diacydonium lucidum Jalappinum, quæ tamen, quia nostris in oris in usu vix sunt, sicco pede transimus. Quid præstent pilulæ illæ decantatæ Becherianæ in mensium obstructione legitimè administratæ, vidi apud Excell. Dn. D. JUNKERUM, in Regia Academia Hallensi Med. Professore Celeberrimum, Præceptorem meum filiali observantia æternum venerandum, & nemini non ex scriptis recentiorum Practicorum notum est. Præterea pilulis cum his, tum supra memoratis vel aliis similibus utendum est potissimum in cephalalgia, vertigine, ophthalmia, sive moderata supra dicta methodo, sive dosi largiore, ast non sæpius repetenda. Cassia rarius in usum veniens, turpethum vegetabile album gummosum, tamarindi, rad. Elleb. nigri, aloë, Mercurius dulcis, seu alia, quæ saltem stimuli loco infusis & pilulis laxativis adjunguntur, specialem considerationem quidem merentur, verum quia pauca sunt, quæ Medicum rationalem nobilitant, & labor, si de his omnibus agere vellemus, nimium excresceret, eorum virtutibus recensendis pace Lectoris supersedemus.

§. VIII.

Unicam adhuc *Colocynthidem* producere liceat! Mors in olla Vir Dei, exclamabant olim discipuli Prophetæ Elisæ, l. 2. Regum c. 4. dum illis colocynthis cocta ad comedendum apponeretur. Ubi virus,
ibi

ibi virtus! Correctione opus habent virulenta naturæ concreta; sub veneno, juxta Helmontium, delitescunt non raro magnæ virtutes. Propheta indicat quasi correctionis medium, jubet admisceri Colocynthidi farinam, & virulentia evanuit. Miraculo divino suus conservetur honor & reverentia, quilibet novit juxta artis leges hoc non succedere. Interim tamen non sine ratione colligitur, Medicos inde ansam desumfisse virulentiam hujus vegetabilis aliquo modo temperandi addito furfure secalino, ope coctionis in aqua, adeo ut instar Clysmatis tuto & cum magno successu queat adhiberi in morborum pertinacissimo, nempe Passione ilica, vulgo *Miserere mei*, prout *Vener. Dn. PARENS* sapissime est expertus, habet enim colocynthis virtutem specialem motum intestinorum peristalticum inversum restituendi, placandi archeum irritatum, & constipationes alvi contumacissimas solvendi, non solum dicto modo in Clysmate adhibita, sed & per os assumpta in forma usitata trochiscorum alhandal. Est experimentum non quidem semper sed ut plurimum ex voto succedens, nam interdum circumstantiæ, præsertim in herniis incarceratis, & si concurrit intestini inflammatio, ita sunt comparatæ, ut vel impossibilis intestinorum repositio, vel nullus fructus ex illa sperandus sit, hoc tamen semper præstat, quod ejus usu vomitus stercoreus certo præcaveatur. Hic quidem sermoni de Colocynthide finem imponere possemus, sed inique & contra
charita-

charitatis leges actum esset, si datam opportunitatem
miserrimos diu noctuque Miserere mei exclamantes
ægros reipsa consolandi negligeremus. Quid juvat
Medicum, quid ægrotum fecisse mentionem alicujus
remedii generosi, modum vero præparandi & appli-
candi, ut multi faciunt, subticuisse? Cujus ignorantia
aut Medicus ægrum lædere, aut uterque successu ca-
rere posset. Est autem administratio sequens.

℞. Furfur. secalin. m. j. coq.

cum aqua lbij. in colat. coq.

pulpæ. colocynth. enucl. zij. ad summum zijj. coq.

ad medietat. coletur cum expressione, adde postea

Sacch alb. ʒß. sal. gemm. ʒß.

Olei aneth. ʒiß.

Hujus applicatio post spâtium 24. hor.

si opus fuerit, non vero citius repeti poterit.

In defectu successus interdum necesse est addere ʒi.
vel ʒß. rad. asari, quia vero hæc radix non raro san-
guinem ex intestino recto elicere solet, quo in casu
paulo post operationem clyster demulcens ex lacte &
oleo injiciendus est.

Ubi vero clysmata locum non habent, possunt
interne dari Troch. alhand. à gr. ii. ad gr. vii. cum C.
C. usti gr. xv. vel ʒi. sed mox post solutionem alvi
Chirurgus repositionem intestinorum manualet ut
tentet, opus est.

CAPUT III.

De ratione purgandi Gravidas, Puerperas & Infantes.

§. I.

EMetica fortiora gravidis non sunt concedenda, præsertim primis 4. mensibus, & quidem mitiora saltem, ut Ipecacuanha, vitriolum album, in dosi mediocri, scilicet illius ℥j. hujus ʒß. Vomitus in lecto expediant ligato leviter ventre; quod si vero iis possumus supersedere, & per laxantia intentioni satisfacere, tutius esset. Inter quæ præ aliis conveniunt Magnesia alba cum vel sine mannæ ʒß. sal. anglicum à ʒvj. ad ʒj. Rhabarb. vel solitarium à ʒß. ad ℥ij. vel adjunctis ʒij. sal. anglici, item passulæ laxativæ pro circumstantiarum exigentia, tempore gestationis bis ad minimum, etiamsi sanitate integra fruuntur, purgent corpus præservationis gratia, prima vice circa quartum vel quintum mensem, altera vice mense ultimo, totidemque sanguinem mittant è brachio ad ʒiv.v. Idque ea de causa, ne post partum adeo facile in morbos incidant ex congestione & colluvie crudorum, quas gignere solent cerevisiæ, in plurimis germaniæ provinciis pro potu ordinario adhibitæ, quæ cum non sint constanter bonæ notæ, in stomacho sæpe relinquunt fæculentias viscoso-flatulentas. Sanguinis vero detractiones serviunt ad præcavendas uteri hæ-

D morrha.

morrhagias, cum ipso gestionis tempore, tum in & post partum, sæpius, si negliguntur, contingentes.

§. II.

In puerperio primis octo diebus alvum laxantibus movere non admodum tutum est, quodsi autem obstructions alvi id poscunt, fiat potius per Clysmata emollientia quam per medicamenta ore assumenda, quæ uterum commovendo aut affectus hystericos aut nimium lochiorum fluxum excitant. Post hos dies vero & cessantibus à potiori lochiis, si purgatio corporis requiritur, potest ea institui infuso foliorum sennæ cum flor. chamomillæ, vel rhabarbaro, aut magnesia: à fortioribus semper est abstinendum. Vomitorium si exigitur, finitis lochiis concedi illud poterit ex ipecacuanhæ. ℞j., ventre probe ligato,

§. III.

Infantes recens nati solent mox à partu laxari cochleari uno vel altero minori Syrupi de rhabarb. cum cichoreo vel Syr. è Senna, ut stomachus ad recipienda alimenta disponatur. Hi plerumque integram in lucem afferunt sanitatem, sæpe vero paulo post obruuntur cibis, vel, si aquas bibunt, læduntur potu justo frigidiorē, ita ut ex lacticiniorum nimia ingestione acidum in stomacho generatum vomitus, tormina, clamores, excitet, &c. à frigidiori vero vel nimio aquæ usu tonus ventriculi dejicitur, diarrhoæ, flatus,

flatus, tormina, clamores sequuntur. Prudenter cum his tenellis est procedendum in cura, calamitates suas non nisi clamoribus exprimere valent, conjecturis saltem colligendum est, ubi ægrotent, hic sane opus est intelligere *nature sermonem*. Conatus vomendi, diarrhoeæ, inappetentiæ &c. indicant ventriculiurbationes, aut à nimio lacticiniorum usu, aut à frigidiore aquæ potu; quo in casu, ubi acidum præsumitur, magnesiæ ʒj. cum sal. absinth. gr. ij. in emulsione cum saccharo exhibendus, aut Syr. lax. ex Senna.

Hic pulv. rhabarb. cum sal. absinth. ad gr. iv. v. vel Syrupus de rhabarb. Item præcipitantia in causa utraque locum habent, è Corall. r., oc. 69. conchis, C. C. ust. vel alio modo ppto; Cryst. mont. Cinnab. antimonio diaph. rad. ir. fl. & similibus, prout GUALT. HARRIS *de morb. infant.* pluribus doctè exponit.

In torminibus à flatibus ortis commendandi sunt Clysteres carminativi, è fl. chamom. sambuc. sem. cummin. &c. cum saccharo parati, nonnunquam etiam balnea, si prædictis clamores non cessant, blando viscera calore fovendo mire conveniunt. Potus aquei infantibus eo caloris gradu sunt administrandi, qui accedit ad calorem lactis materni, si salvos eosdem conservare velimus; Assueti potui aquoso magnesiæ non adeo facile ferunt, quam lactantes, hinc laxandi potius sunt rhabarbaro in substantia. Infantes unius & plurium annorum, in ventris turgescencia laxantur commode flor. acac. p. i. cum lacte coctorum, Manna

quoque ipsis valde conducit lacte soluta à 3i. ad 2. 3. vel 4. Pueri 5. vel 8. annorum cum *εὐφορία* purgantur Rad. Jal. gr. v. ad x. cum oc. 69. 9β. rad. ireos fl. gr. j. Misc. Emetis vehementior infantibus ante annum 9. vel 10. non facile movenda, ob mollitiem & laxitatem fibrarum; puero X. annorum, si exigitur, sufficit tartar. Emet. gr. β. Sunt tamen, qui pro roboris ratione etiam gr. j. ferre possunt; ubi conatus vomendi urget, ibi minor dosis plerumque sufficit.

CAPUT IV.

In quibus morbis purgantia sint fugienda, & quomodo hypercatharsi occurrendum.

§. I.

Febres ardentes, petechiales quia vel ab aëris dispositione, vel à contagio personali, oriuntur, non nisi per accidens, quando nempe concurrit stomachi repletio, purgans requirunt, idque mox in primis diebus, & quidem, si fieri potest, emeticum; minus convenit hic ducere per alvum, nisi ubi turgescencia ventris aut ejus obstructio id poscit, per clysmata humectantia, ne sanguini humidum sustinendo & profligando morbo summe necessarium, subtrahatur & diaphoresis supprimatur. Idem de *Febribus continuis biliosis* est tenendum, uti supra innuimus, convenit ergo

ergò in his morbis magis purgare corpora impura radice ipecacuanha, in ardentibus quidem saltem in principio, antequam vires prosternantur, in continuis biliosis etiam in initio, tum & omni morbi stadio locum habet emeticum. Dosis una in principio præscripta raro sufficiens deprehenditur, materia morbifica adhuc dum cruda existente, siquidem juxta Coum *cocta sunt movenda, non cruda.* Successu temporis, & quando causa materialis per adhibita remedia digestiva, scilicet nempe & præcipitantia, item per morbi decursum, magis cocta est, indicat ea per turgescentiam, & conatum vomendi, de novo, imo sæpe tertiâ vice sui evacuationem. *Nec Febres intermittentes* amant fortiora laxantia, nisi turgescencia humorum in ventre infimo evacuationem poscat, ubi diebus intermediis, vel Clysmatibus vel Sale anglico est succurrendum. Vomitoria, si turbatio stomachi requirit, sunt magis proficua. *Variolæ, morbilli, febris miliaris, scarlatina & aliæ exanthematicæ,* nulla plane admittunt laxantia, nisi ante eruptionem & quidem ad conservandum serum secretioni & expulsionem adeo necessarium, blandissima. *Febres catarrhales, pleuriticae,* in augmento a catharsi læduntur lethaliter, nec emesin facile ferunt. Sunt morbi, qui cupiunt solvi per anacatharsin & diaphoresin ubi ad alvum humores divertere absque vitæ periculo non licet: sola illa evacuatio lenis, quam oleum lini pleuriticis subinde movet, est innoxia.

Erysipelata pariter laxantia nullo modo exposcunt,

natura tendit eliminare ad superficiem cutis, quod ipsi est molestum, contra cujus molimina minime est movendum: quod si vero per accidens ventriculus bile, vel alia materia peccante, cum conatu vomendi, sui evacuationem requirat, emeticum ex ipecacuanha in principio concedi potest. *Arthritis & podagra* regulares, nec in- nec extra paroxysmum, quamdiu nempe artubus inhæret, utut levis, tumor, admittunt cathartica; materiam enim ad artus protrusam, ad centrum corporis revocant, teste experientia & BAGLIVO *Prax. Med. l. 2. c. 4. p. m. 194. ubi ait;*
 „ in hisce itaque tumoribus pedum ante & post po-
 „ dagram apparentibus, nullum omnino, nullum in-
 „ quam, neque internum neque externum adhibeas re-
 „ medium, eo potissimum nomine, ut materiam il-
 „ lam à pedibus averteres, siquidem observavimus
 „ sæpissimè post exhibita purgantia, diuretica, aut su-
 „ dorifera materiam illam à pedibus ad interiora re-
 „ trocessisse & apoplexias, asthmata, febres aut mor-
 „ tem repentinam produxisse. E contra in podagra
 anomala & irregulari laxantia sunt summopere ne-
 cessaria & proficua materiam arthriticam à centro ad
 artus expellendo, ceu loca competentia, uti MUS-
 GRAVE *lib. de arthrit. anomal.* passim docet, eaque
 possunt parari de Jalappa, aut Manna, aut Senna,
 modo vegeté ad alvum ducant. Motus omnium su-
 pradiCTORUM morborum moliuntur materiam morbi-
 ficam separare vel per poros cutis, vel per expecto-
 ratio-

rationem, aut eam ad artuum extremitates deponere; hinc Medico non licet ista molimina naturæ laxantibus turbare & invertere, vel ad alia emunctoria ducere. *Hic est sermo naturæ, hæc est lex artis salutifera!* Medicus, seu prudens naturæ Minister, motus hos sequi debet, non turbare.

§. II.

Accidit interdum, ut medicamenta purgantia utut cum debita circumspectione, & dosi decente præscripta, excitent hypercatharces, idque vel ex interna humorum proclivitate ad fluorem, vel ex incuria ægri, quando scilicet hic ipso purgationis die aëri frigido se exponit, aut nimis frigide bibit. In casu priori remedium generale est potus lactis calidi cum tantillo sacchari, semel vel bis haustus. In posteriori casu vero præferendum est Diafcord. Fracastorii, ex. gr.

℞. ▽. menth. ℥ss.

Diafc. Frac. ʒij.

Sal. absinth. ʒiv.

Spir. C. C. gtt. lxx.

M. pro tribus dosibus mane & vesperi sumendis.

F I N I S.

Liebster Freund! Dein muntre Fleiß,
 Ein Exempel Deiner Tugend,
 Dient Dir nunmehr zum Preis
 Eufferig vollführter Jugend.
 Rede, was ich wünschen soll?
 Liebster Freund! Leb immer wohl.

Es wünschet dieses
 Dein ergebenster

G. A. PLANER, Med. Cand.

Da Dein gelehrtes Blatt der reinsten Weißheit
 voll,
 Wie das mein reiner Wunsch Dich nicht begrüßen
 soll?
 Doch nein, ich schweige noch, biß nach Apollens
 Cronen,
 Mit einem schönen Kind dir Venus selbst wird
 lohnen:
 Dann statt ich Capital mit allen Zinsen ab,
 Indessen denck an den, der bleibet biß ins
 Grab,

Dein ergebenster Freund

C. G. BONTZ, Med. Cand.